

**MINISTARSTVO ZDRAVSTVA
ZENIČKO-DOBOJSKOG KANTONA**

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13), člana 64. stav 5. alineja 3. i stav 8. Zakona o zdravstvenoj zaštiti („Sl. novine FBiH“, broj: 46/10 i 75/13), člana 5. Odluke o kriterijima za imenovanje Upravnog odbora JU „Dom zdravlja“ Kakanj čiji je osnivač Općinsko vijeće („Sl. novine Općine Kakanj“, broj: 2/13) i člana 39. Statuta JU „Dom zdravlja“ Kakanj broj: 01-0-4/13 od 15.02.2013. godine, Ministarstvo zdravstva Zeničko-dobojskog kantona objavljuje

JAVNI OGLAS

**za izbor i imenovanje kandidata na poziciju člana Upravnog odbora Javne ustanove
„Dom zdravlja“ Kakanj, predstavnika Ministarstva zdravstva Zeničko-dobojskog
kantona**

Objavljuje se Javni oglas za izbor i imenovanje kandidata na poziciju člana Upravnog odbora Javne ustanove „Dom zdravlja“ Kakanj, predstavnika Ministarstva zdravstva Zeničko-dobojskog kantona.

Opis pozicije

Djelokrug rada Upravnog odbora propisan je članom 65. Zakona o zdravstvenoj zaštiti („Sl. novine FBiH“, broj: 46/10 i 75/13) i članom 40. Statuta Javne ustanove „Dom zdravlja“ Kakanj broj: 01-0-4/13 od 15.02.2013. godine.

Upravni odbor je nadležan za donošenje Statuta zdravstvene ustanove, imenovanje i razrješenje direktora, odnosno v.d. direktora zdravstvene ustanove, utvrđivanje planova rada i razvoja zdravstvene ustanove, utvrđivanje godišnjeg programa rada, donošenje finansijskog plana i usvajanja godišnjeg obračuna, donošenje općih akata o unutrašnjem uređenju i sistematizaciji poslova i drugih općih akata u skladu sa zakonom i Statutom zdravstvene ustanove, odlučivanje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove, usmjeravanje, kontrolisanje i ocjenjivanje rada direktora, rješavanje svih pitanja odnosa sa osnivačem, odlučivanje o korištenju sredstava preko iznosa utvrđenog Statutom zdravstvene ustanove, odgovaranje osnivaču za rezultate rada zdravstvene ustanove, odlučivanje o prigovoru zaposlenika na rješenje kojim je drugi organ, određen Statutom zdravstvene ustanove odlučio o pravu, obavezi i odgovornosti zaposlenika iz radnog odnosa, podnošenje osnivaču najmanje jedanput godišnje izvještaja o poslovanju zdravstvene ustanove, obavljanje i drugih poslova u skladu sa zakonom i Statutom zdravstvene ustanove.

Imenovanje kandidata na poziciju člana Upravnog odbora Javne ustanove „Dom zdravlja“ Kakanj, predstavnika Ministarstva zdravstva Zeničko-dobojskog kantona, vrši Općinsko vijeće Kakanj, na prijedlog Ministarstva zdravstva Zeničko-dobojskog kantona, koji će Općinskom vijeću dostaviti općinski načelnik.

Mandat imenovanog člana Upravnog odbora Javne ustanove „Dom zdravlja“ Kakanj, predstavnika Ministarstva zdravstva Zeničko-dobojskog kantona, traje do isteka mandata predsjednika i člana Upravnog odbora Javne ustanove „Dom zdravlja“ Kakanj, koji su imenovani rješenjem Općinskog vijeća Kakanj broj: 01/1-11-371/17 od 27.09.2017. godine i može biti ponovo imenovan.

U skladu sa članom 2. Odluke o utvrđivanju naknada članovima upravnih odbora javnih ustanova, broj: 0-01/1-35/12 od 31.12.2012. godine („Sl. novine Općine Kakanj“, broj: 1/13), član Upravnog odbora Javne ustanove „Dom zdravlja“ Kakanj, predstavnik Ministarstva zdravstva Zeničko-dobojskog kantona ima pravo na mjesečnu naknadu, koja se isplaćuju iz sredstava zdravstvene ustanove.

Kandidati za izbor i imenovanje na poziciju člana Upravnog odbora Javne ustanove „Dom zdravlja“ Kakanj, predstavnika Ministarstva zdravstva Zeničko-dobojskog kantona, moraju ispunjavati opće i posebne uvjete.

Opći uvjeti za imenovanje

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
4. da se na kandidata ne odnosi član IX. 1. Ustava Bosne i Hercegovine,
5. da nema privatni – finasijski interes u zdravstvenoj ustanovi u čiji se upravni odbor kandiduje,
6. da nije osuđivan za krivično djelo nespojivo sa imenovanjem u upravni odbor, pet godina od dana pravosnažnosti presude, isključujući vrijeme zatvorske kazne,
7. da nije direktor zdravstvene ustanove,
8. da nije član ni u jednom upravnom odboru odnosno nadzornom odboru ustanove, zavoda, odnosno privrednog društva sa većinskim državnim kapitalom,
9. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13),
10. da nije član organa zakonodavne, izvršne ili sudske vlasti ili savjetnik odnosno da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Sl. novine FBiH“, broj: 70/08) i
11. da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

Posebni uslovi za imenovanje

1. da imaju završen VII stepen stručne spreme,
2. da imaju najmanje 5 godina radnog iskustva na poslovima svoje stručne spreme,
3. sposobnost upravljanja finansijskim sredstvima i ljudskim resursima, kao i sklonost timskom radu,
4. komunikativne i kreativne sposobnosti za savjesno, odgovorno i odlučno obavljanje poslova i zadataka iz nadležnosti Upravnog odbora i
5. rezultati rada tokom predhodnog radnog angažmana.

Potrebni dokumenti

Prijave kandidata na oglas treba da sadrže: kraću biografiju, adresu i kontakt telefon. Uz prijavu je potrebno dostaviti originalne dokumente ili ovjerene kopije dokumenata kao dokaz o ispunjavanju općih i posebnih uvjeta i to:

1. uvjerenje o državljanstvu,
2. izvod iz matične knjige rođenih ili ovjerena kopija lične karte,
3. potpisane i ovjerene izjave od strane nadležnog organa iz tačke 3. 4. 5. 7. 8. 9. i 10. Općih uvjeta za imenovanje,
4. univerzitetska diploma,
5. uvjerenje o radnom iskustvu na poslovima svoje stručne spreme i
6. uvjerenje nadležnog suda da kandidat nije lice kojem je pravosnažnom presudom suda zabranjeno obavljanje aktivnosti u reguliranom organu u kojem se kandiduje.

Dokaz da kandidat nije osuđivan za krivično djelo, nespojivo sa imenovanjem na poziciju u Upravni odbor JU „Dom zdravlja“ Kakanj, pet godina od dana pravosnažnosti presude, isključujući vrijeme zatvorske kazne, ovo Ministarstvo će pribaviti po službenoj dužnosti od nadležnog ministarstva unutrašnjih poslova, za kandidate koji uđu u uži izbor.

Sa kandidatima koji uđu u uži izbor Komisija će obaviti intervju. Prije intervjua kandidati će biti pozvani da daju podatke o ranijim neposrednim rukovodiocima od kojih se mogu, eventualno, zatražiti dodatne preporuke i informacije o njihovom dosadašnjem radu i dužni su popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, bilo koji kandidat ili bilo koji član javnosti može podnijeti prigovor na konačno imenovanje.

Prigovor se podnosi Općinskom vijeću Kakanj, u roku od sedam (7) dana od dana imenovanja, a kopija se dostavlja Ombudsmenu za ljudska prava BiH.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Sl. glasnik BiH“, broj: 49/06, 76/11 i 89/11).

Prijave sa traženim dokumentima se dostavljaju lično ili poštom na adresu Zeničko-dobojski kanton – Ministarstvo zdravstva, Kučukovići 2, 72000 Zenica, sa naznakom: „ZA IMENOVANJE NA POZICIJU ČLANA UPRAVNOG ODBORA JAVNE USTANOVE „DOM ZDRAVLJA“ KAKANJ, PREDSTAVNIKA MINISTARSTVA ZDRAVSTVA ZENIČKO-DOBOJSKOG KANTONA – NE OTVARATI“.

Oglas ostaje otvoren 14 dana od dana njegovog posljednjeg objavljivanja, a isti će biti objavljen u „Službenim novinama Federacije Bosne i Hercegovine“ i u dnevnom listu „Dnevni avaz“.

Neblagovremene i nepotpune prijave neće se razmatrati.